

ԵՐԵՎԱՆԻ ԲՈՒՍԱՂԱՐԱՆԸ

Հայաստանի գիտական օջախներից է ակադեմիկոս Կոմարովի անվան բուսաղարանը (հերբարիում): Գիտությունների ակադեմիայի բուսաբանական ինստիտուտի մասնաճյուղը կազմող այդ հաստատությունը զգալի աշխատանք է կատարում Հայաստանի բոլոր շրջաններից, ինչպես նաև անդրկովկասյան հանրապետություններից բույսերի բազմազան տեսակներ հավաքելու և պահպանելու ուղղությամբ:

Բուսաղարանն ունի տեսակների հարուստ և հետաքրքիր հավաքածու, որ տարեցուտոր հարստանում է: Ներկայումս այստեղ կան բուսամուշների պահպանման ավելի քան 150 հազար թերթիկ: Հենց Միայն Հայաստանի բուսական աշխարհի մոտ 300 տեսակները կազմում են 110 հազար թերթիկ:

Բուսաղարանը գիտական կապեր է պահպանում Մովսեսյան Միության մյուս հանրապետությունների, ինչպես նաև աշխարհի զանազան երկրների բուսաբանական գիտահետազոտական հաստատությունների, բուսաղարանների հետ, կատարելով տեսակների փոխանակում:

Հայաստանի գիտությունների ակադեմիայի բուսաբանության ինստիտուտի բուսաբանական այգու գիտական աշխատողները «Հայաստանի Ֆլորան» բազմահատոր ուսումնասիրությունը և այլ աշխատությունները նրանք հիմնականում օգտվել են բուսաղարանի նմուշներից: Այստեղ Հայաստանի և այլ երկրների բուսատեսակների ուսումնասիրություններ են կատարում նաև հանրապետության ուսումնական հաստատությունների բազմաթիվ դասախոսներ և ուսանողներ:



Բույսերի համակարգման բաժնում են աշխատում կրտսեր գիտաշխատող Շ. Ասրանյանը (աջից) և Յ. Մխիթարյանը: